



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1000. Usque Ad Annum 1063

**Fleury, Claude**

**August. Vind. [u.a.], 1761**

**VD18 90117956**

§. 43. Richardi Abbatis Viridunensis extrema.

---

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

nendæ imparem esse, præstare hanc con-  
 ferre Udalrico Archidiacono Lingonensi, Sæculum XI.  
A.C. 1041.  
 cuius ætas, virtus & scientia Archiepi-  
 scopali muneri congrueret. Ille tunc  
 Vesuntione versabatur, ubi Rex quoque  
 illo tempore degebat, qui Archidiaco-  
 num vix de nomine noverat. Igitur  
 Henricus mentem Abbatis ab omni am-  
 bitu alienam multum miratus, cum Udal-  
 ricus etiam ab Episcopis & populo expe-  
 teretur, ei Archiepiscopatum Lugdunen-  
 sem contulit, cui deinde annis quinque  
 digne præfuit.

## §. XLIII.

*Richardi Abbatis Virdunensis extrema.*

Richardus quoque Abbas Episcopatum  
 Virdunensem regendum suscipere  
 detrectaverat. Sed quæ de ejus vita  
 narranda supersunt, repetamus. Hei-  
 moni Episcopo suo multos sumptus repa-  
 randis urbis muris, quibus Monasterium  
 S. Vitoni includere volebat, impendenti  
 fortiter obstitit. Dicebat enim, non ex-  
 pedire monachis, ut in urbibus habitent,  
 ne quies monastica nocturnæque preces  
 tumultu & clamoribus populi turbentur.  
 Episcopus magnorum Principum more  
 impatienter ferens, quod quisquam suæ  
 voluntati resistere auderet, a proposito  
 dimoveri non poterat. Quare cum Ab-  
 bas rem ad Henricum Imperatorem de-  
 tulisset,

X 2.

tulisset,



Sæculum XI.  
A.C. 1041. tulisset, is missis ad Episcopum mandatis quidquam circa Monasterii situm mutari prohibuit. Excanduit Episcopus, cujus indignationem ut effugeret Abbas, Remiremontium se recepit, ubi quinque annis secure delituit. In illo secessu Richardus duo miracula patrasse legitur. Quidam leprosus sanatus est, cum balneo, in quo prius Vir Sanctus lavatus fuerat, uteretur. Et cæcus lumen recepit, cum illa aqua, qua paulo ante S. Abbas manus, ipse oculos abluisset. Rei fama ad Episcopum Virdunensem perlatâ, eum facti prioris pœnitentia subiit, missisque nunciis Abbatem ad suum monasterium redire iussit.

c. 550.

Profectio  
Jerosolymitana.

Richardus Abbas exinde profectio-  
nem in urbem Jerosolymam, quam vi-  
dendi ardentissimo desiderio jam diu te-  
nebatur, molitus est, Duce Normanniæ,  
cui in paucis carus erat, largiter sumptus  
præbente. Fuere autem expensæ in-  
gentes; quippe Abbas in hoc Sacro iti-  
nere peregrinos ferme septingentos, qui-  
bus omnibus annonam præbebat, secum  
deduxit. Cum Constantinopoli aliquam-  
diu subsisteret, quo tempus loca Sacra  
lustrandi suppeteret, & viri fama ad Pa-  
triarcham & Imperatorem pervenisset,  
uterque ei colloqui expetiit. Imperator  
hospitem pretiosis muneribus donavit,  
& Patriarcha complures Reliquias atque  
veræ



veræ Crucis particulam eidem dedit. Sæculum XI.  
A.C. 1041.  
Ubi terras Infidelium contigit Richardus, singulis diebus, ut in via adfueverat, non solum Officium Divinum recitabat, sed etiam Missam, extra civitates quidem, attamen in loco mœnibus proximo celebrabat, non timens insectationes Infidelium, tantam lapidum vim injicientium, ut comites ejus extra jactum refugere cogerentur. Ipse constanti animo perseverabat, usque dum S. Sacrificium perfecisset, nec unquam ullo saxo ictus est. Infideles prodigium admirati discedentem comiter deducebant.

Ubi Jerosolymam pervenit, omnibus locis Sacris tenerrimo animi affectu lustratis, Hebdomadam Majorem ibi transigit, & Sabbato Sancto interfuit Cæremoniis, quibus accendebatur ignis novus. Is enim miraculo de cœlo descendere jam tunc a simplicibus Græcis credebatur. In Jordane, nobilissimo amne, lavari voluit. Tum tota Palæstina peragrata, a Patriarcha Jerosolymitano, qui venientem honorifice exceperat, plurimis Reliquiis cumulatus regressus est. In reditu Richardus Antiochiam divertens Simeonem monachum, ut supra me. *Sup. §. 27.* moravimus, viæ comitem accepit, & tandem confecto perlongo itinere Virduum perveniens incredibili omnium lætitia exceptus est.



Sæculum XI.

A.C. 1041.

1024. Heimone Episcopo Viridunensi anno fatis functo, successit Rambertus, qui annis quatuordecim sedit. Atque eo etiam e vivis migrante Henricus Niger Rex primo Imperii sui anno, nempe Christi millesimo trigesimo nono, Episcopatum Viridunensem Richardo Abbati contulit, quod munus ille a se amolitus Richardum, e Sacro fonte a se susceptum, Comitis Hildradi filium, ordinari curavit. S. Abbas senio prope confectus, exinde adhuc septennio superstes tandem decima quarta Junii, anno millesimo quadragesimo sexto, beatam mortem oppetiit. Reliquiæ, quas pectori proxime admotas portare solebat, cum ipso sepultæ.

§. XLIV.

*Michael Calcephatus Imperator. Tum  
Constantinus Monomachus.*

**M**ichael Paphlago Imperator morbo, cujus supra mentio nobis fuit, vehementer afflictus, abjecta salutis spe, *Cedr. p.749.* tonderi voluit, accepitque habitum monasticum de manibus Cosmi monachi, cujus viri semper ejus lateri adhærentis consilio utebatur. Obiit tandem editis magnæ pœnitentiæ signis, ob nefas in Antecessorem suum peractum; nam si hoc probrum abfuisset, vitam duxisset laude dignam. Extinctus est vero decima die Decembris anno a Mundo condito sexies mille-